



Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.1. Crucifixi vultus ad nos propensus, ad fiduciam nos invitat.

[urn:nbn:de:hbz:466:1-47123](#)

§. I.

Crucifixi vultus ad nos propensus, ad fiduciam nos invitat.

Primo: Conjectis in Christi crucifixi effigiem diligentibus oculis, atque exorsus à vertice; contemplaberis in primis divinam frontem spinarum aculeis compunctam ac deformatam, & guttis sanguineis adhuc rorantem, vultum illum decorè ac dignitate conspicuum, benignos ac mites oculos, faciem ipsis etiam Angelis amabilem, cruento suffusam, infusam lacrymis, sputis infectam, livore decoloratam, demum ad oscula penitentis animæ clementissimè inclinatam: tum illam reliquam miserandam formam crucifixi corporis; terebratas manus, transfixos pedes, latus percussum atque apertum, protensa violenter brachia; totum ipsum corpus in vivam compositum doloris imaginem, & velut in quandam miserationis ac pietatis scenam expansum. Atque hoc aspectu miserabilis in spem ac fiduciam erectus, age, ipsum Jesum in cruce suffixum in istius modi sensum affare.

Reum quidem me fateor, ô bone JESU, & tot tantorumque criminum reum, ut sit quod de mea salute desperem, si in furore tuo, & non ex misericordia tua judicares me volueris. Veruntamen ad te, quem in isto doloris atque ignominiaz patibulo miserabiliter pendentem ac proxime morientem intueor, ad hanc tuam crucem [quæ instar asyli certissimi reis omnibus ad tutelam ac præsidium proposta est] dum adhuc tempus est miserendi, confugio; hanc salutis aram apprehendo. Nolo causam meam in diem Domini reserves, extremam illam ac decretoriam, diem magnam atque amaram: verum in hac die, quam simul & tuam & nostram esse dixisti, de salutis meæ summâ ^{Ioan. 18.} _{9. 56.} decerni desidero. De vultu tuo judicium meum prodeat, sed ^{Luc. 19.} illo crucifixi, non Judicis; non de illo, inquam, vultu mihi ^{v. 42.} naci

H h 2

naci

naci & terribili [qualem se impijs in die extremo exhibitus est] sed isto clemente atque benigno , atque ad parendum & miserandum adhuc propensiō . Ad tribunal isto misericordiæ tuæ : ibi me [pace tuâ loquar audentiū] ibi me oportet judicari . Ab illa prælustrī ac fulgurante nube , quam instar solij judiciarij olim infessurus es , ad hanc alarum tuarum umbram , ad hunc thronum gratiæ , ad indulgentiæ tribunal appello : à te Judge olim implacabili & inexorabili , ad te modò patronum & miserorum advocatum provoco .

Magna quippe isto seu loco seu tempore , oboritur mihi salutis fiducia , cùm te de rostris & suggesto crucis tui causam meam orantem video , & pro salute mea , usque ad sudorem , ad sanguinem , ad mortem , laborantem ; neque lingua duntaxat , sed membris omnibus paternam mihi gratiam exorantem . In hoc tribunali si à te judicer ; salvus sum . Quid enim formidem , aut causæ diffidam , quantumvis reus ; quando idem & judex & patronus mihi futurus es ? Neque jam verebor ultimi judicij severitatem , praesenti securus præjudicio : nec enim in illo extremo die ei retractabitur sententia , quam tu unus idemque utroque foro judex , semel de crucis tribunal pro me dixeris , & sanguine tuo , tanquam gratiæ signaturâ , muniveris .

Atque hac præsertim ex vultu Christi crucifixi contemplatione .

§. 2.

Christi brachia in cruce protensa peccatores expellant ad ventram .

Secundò : Deinde considerabis eam quam dixi , sacra similitudini corporis per crucis membra diffusi formam ambolem , & velut ad peccatores recipiendos compositam , & ad pacis oscula & amoris amplexus extentam . Ex ea quippe con-